

Арвн герт мини кедг кӧдлмш

Мана совхозин центральный усадьба селэнд баанә. Хальмгин тууджд батта зә авсн селән эн. 1920 джилд энүнд Хальмгин Советмүдин негдгч хург болсмн. Хальмгин ӊргн теегәс урднь даджрлгәнд йовсн угатыр цуглрдж, Советин йос зарлдж, куч-кӧлсчрн шин йосна тӧлә чидлән, әмән хармлго ноолдх болдж андгәрлсмн.

Тер баатр цагас нааран 40 шаху джил болв. Ода мана Чилгр тер джимүдин баәдләс хуврдж, таньгдшго кевәр сәәхрв. Тер цагт нургьлдж шаврар цоксн, газрла наалдсн гермүд баәсн болхла, ода ик-ик ӧндр, у, сарул гермүдәс уульнцс бурдсн баәнә. Урднь мухлалгддж йовцхасн угатә хальмгуд сургьультәгәрмтә болад, нертә малчнр, механизатормуд, гардачнр болдж кӧдлджәцхәнә. Амтнә джиргьлнь кемджән угагьар ӧсдж, ӧргджв.

Эн тоот тууджд орх ик

хуврлт агитатор кун кӧдлмшән кехднь цань уга ӊргн хаалгь гаргьна. Агитаторин цәәлгьвринь батлдж болх улгур мана олт-әмтнә джиргьлднь ӧдр болгьн үзгднә. Тегәд куч-кӧлсчнр дунд политическ цәәлгьврин кӧдлмш кехд агитатор куунәс некджәх ах юмнь — даалгьсн кергт үнн ухан-седклән тәвдж кӧдлгьн болджана.

Би джил шахуд агитатор болдж кӧдлджәнәв. Мини участкд орджах арвн герт совхозин кӧдлмшчнр, герин әзи куукд улс, медәтә, кӧдлмшт уга әмтс баәнә. Тегәд би әдн юн тӧрәр, шин зәнъгәр соньмсджахинь, намаг ю келдж ӧгхинь куладжәхинь урдаснь меддж авад, бийән сәәнәр белддж авад, очкуундвр кенәв. Долан хонгт нег ладж эркчән уга, зәрмдән хойр дакдж чигн однав. Би эврән тасрлтан угагьар газет, журналмуд умшнав, совхозин кӧдлмш, мал үвлзүллгьн ягьдж йовхин тускар кергтә то-диг белддж авнав. Энүгән агитпунктин кӧдлмшин зура хәләдж ирлцүлдж кенәв.

Октябрьск социалистическ революцион 40 джилин ӧбн болхд, олт-әмтнә заргьс суньгьхд мана кӧдлмш ясрдж, делгу сәәнәр кедв. Энүнә хӧбннь чигн би участктан оддган таслсн угав. Ода, СССР-н Деед Советд суньгьвр кехд белдлгьн болдж йовх цагт мана ӧмн даалгьвртә тӧрмүд зогсджана. Мини арвн герт баәх суньгьачнр мартин 16-д суньгьвр болхинь сочьсцхадж, ик байр-бахтагьяр тосцхаджана. Мана Хальмг таньгьчас СССР-н Деед Советд 6 депутат суньгьгьдхмн гисн зәнъг әдниг агьу икәр байрлулв.

Мана агитпункт цәәлгьврин кӧдлмшин зура кедж, агитатормудт соньсхсн, терүгинь ода кӧцәлдж йовнавдн.

Совхозин парторганизацин агитатормуд урднь чигн шумгьа кевәр кӧдлдж йовсан сулдхлго, Деед Советд суньгьвр болх ӧдриг кӧдлмштән ик диилвр кӧцдж темдглхнь лавта.

Л. ОЧИРОВ,

Чилгрин агитпунктин агитатор.